



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

Testimonia De Vnitate Dei.

urn:nbn:de:hbz:466:1-36094

patefecit. Ethnici & Turci quoque iactant se inuocare illum Deum, qui condidit cœlum & terram, sed falso id iactant, quia vagantur animis, nec volunt audire conditorem se patefacientem verbo suo, & misso filio. Aberrant ergo à vero conditore, & fingunt sibi conditores suis speculationibus: Quare in omni cogitatione de Deo & omni inuocatione mentes intueantur Christum missum in Carne, cruciatum & resuscitatum, & statuant hunc vere esse Deum conditorem, hunc filium misit, & dedit Ecclesie suæ Euangelium. **P**ER

R I utique; particulas descriptionis, in quibus hoc quoque sciamus, has virtutes, quas Deo tribuimus, in eo non esse accidentia, ut in nomine seu Angelo sapientia, iusticia, bonitas, sunt accidentia sunt mutabiles. Sed sicut potentia Dei non discernenda est ab essentia, aliud est, sic non sunt aliæ res, sapientia, veritas, iusticia, bonitas Dei, sed sunt ipsa essentia, quæ est quiddam viuum per se subsistens, intelligens, æternum, omnipotens, bonum, iustum. **H**ANC

descriptionem ut teneret Ecclesia in conspectu & ob oculos, distulit ab Ethnicis opinionibus, commendauit eam nobis Christus in prima & notissima ceremonia: Ego baptizo te in nomine Patris, & Filij, & Spiritus sancti, id est, Ego hac meritione mandato Christi iustificor, te recipi à Deo creatore omnium rerum, Patre æterno, Filio eius Iesu Christo, & Spiritu sancto, quem Deum agnosces placuit esse per Iesum Christum Filium æterni patris, & hac fiducia innocetibus, qui te Spiritu sancto reget & viuificabit ad vitam æternam, seu promissiones diuinæ pollicentur: Effundam de meo Spiritu super omnem carnem, &c. Et Christus inquit Iohan. 14. Ego rogabo Patrem, & alium Paraclitum dabit vobis, Spiritum veritatis.

QUARE de Deo cogitantes, siue in docendo, siue in innocetendo: Baptismi doctrinam, & testimonium nobis proponamus, nec tantum de numero speculemur, sed de causis, cur filius missus sit, de promissione reconciliationis, de gubernatione miranda sanctorum, qui à Christo defenduntur contra Diabolum, & Spiritu sancto mirabiliter viuificantur. Etsi enim Diabolus, qui est homicida, mirabiliter oppugnat singulos, ut auulsos à Deo euerat: tamen Christus e contra propugnat oues suas, quamlibet imbecilles & amentas, sicut inquit: Oues meæ vocem meam audiunt, & nemo rapuas de manu mea. Simul ergo de admirandis beneficijs Dei proprii Filium donatis, cogitemus, quoties verba Baptismi recitamus.

TESTIMONIA DE VNITATE DEI.

VNA est æterna essentia diuina, iuxta descriptionem positam, æternus Pater, Filius imago Patris, & Spiritus sanctus. Ac per se discernuntur, quoties diuinitas intra sese describitur. Sed cum

DE TRIBVS PERSONIS DIVINITATIS. 313

per creaturis, mentio fit vnus aeternae essentiae, vt Deut. 6. Audi
Israel. Dominus Deus noster Dominus vnus est. Ac pij obseruent ap-
pellationem. Dixi discernendam esse inuocationem Ecclesiae ab Eth-
nica Ideo populus Israel peculiarem appellationem Iehoua tribuit
Deo, vt discernat Deum verum conditorem, qui se in hoc populo pa-
rebat, ab idolis & commenticijs numinibus Ethnicorum.

DEUT. 4. Vt scias quod Dominus est Deus, & non est alius
præter eum, id est: Hic Deus patefactus in hoc populo Israel, solus
est Deus. Deut. 32. Videte quod ego sim solus, & non est alius præter
me. Ies. 44. Hæc dicit Dominus rex Israel, & redemptor eius, Domi-
nus exercituum. Ego sum primus & nouissimus, & præter me non est
Deus. Ies. 45. Ego sum Deus, & non est vllus præterea, præter me
non est Deus. Ego Deus, & non est alius, formans lucem, & creans
tenebras. Item: Non est alius Deus præter me. Deus iustus & saluans
non est præter me. Conuertimini ad me, & salui eritis omnes fines
terrae, quia ego sum Deus, & non est alius. 1. Cor. 8. Scimus quod
nihil est Idolum in mundo, & quod nullus est alius Deus nisi vnus.
Nam et si sunt qui dicantur dij, siue in caelo, siue in terra, sicuti sunt
dij multi & Domini multi: Nobis tamen vnus est Deus Pater, ex quo
omnia, & nos in illo: & vnus Dominus Iesus Christus, per quem om-
nia, & nos per eum. Ephes. 4. Vnus Deus & pater omnium, qui super
omnes, & per omnia.

DE TRIBVS PERSONIS
DIVINITATIS.

IN hoc articulo necesse est constitui quid vocabulum Personæ si-
gnificet. Primum igitur trado hanc definitionem, conuenientem
hunc articulo: PERSONA, vt Ecclesia in hoc articulo loquitur, ES
SUBSTANTIA INDIVIDVA, INTELLIGENS, ET INCOM-
MUNICABILIS. Satis constat veteres scriptores Ecclesiae solitos
hæc duo vocabula discernere οὐσίαν & ὑπόστασιν, & dicere vnā esse
οὐσίαν, id est, essentiam æterni Patris, Filij, & Spiritus sancti, sed tres
ὑποστάσεις, id est, tres vere subsistentes, nō commenticios, non cadu-
cos, non confusos, sed distinctos, seu singulares intelligentes. Pro hac
voce Latini vsi sunt nomine Personæ, & quanquam Græca vox ὑπό-
στασις est illustis, tamen quia ingeniorum petulantia sæpe conturbat
recte dicta, rixæ etiam de vocabulo ὑπόστασις ortæ sunt. Cesserunt
igitur Græci, & Latinos secuti, ceperunt etiam hoc loco dicere tres
οὐσῶν. Sed nos omisis rixis vocabulorum, Ecclesiae sententiam
sæuiter retineamus, & verbis iam in Ecclesia vsitatis & receptis sine
ambiguitate vtamur. Lusit homo fanaticus, Seruetus, de vocabulo
Personæ